

PHARMACOPÆIA MEDICI PRACTICI.

ACETA MEDICATA.

SYN. *Infusa acetosa.*

ACETUM AROMATICUM.

SYN. *Acetum Bezoardicum s. Prophylacti-
cum.*

R. Foliorum et summitatum florentium
Rosmarini officinalis,
— Salviæ officinalis ana uncias
quatuor.

Florum Lavandula—spicæ uncias duas.
Florum cum pericarpio immaturo Ca-
ryophilli aromatici drachmas duas.

Acidi Acetici concentrati libras octo.

Mixta macera leni calore in vase vitro
per quadriduum; dein exprime et cola.

Usus præcipue externus pro odoratu aut
lotione ad effluvia aëris contagiosa corri-
genda.

ACETUM SCILLITICUM.

R. Radicis Scillæ maritimæ libram unam.
Acidi Acetici libras octo.

Macera leni calore in vase vitro per
biduum aut triduum; dein expime et adde
Alcoholis diluti uncias octo.
Sepone ut fæces subsidant.

Usus: Morbi pulmonum pituitosi; hydrops.

Externus formagargarismatis: Tonsillitis
pituitosa; dysecœa ex eadem causa.

Dosis: Guttæ viginti ad drachmam unam
bis die vel sæpius cum aqua aromatica
aut emulsione gummi-resinæ ammon.

B O L I .

BOLUS ALTERANS.

R. Olei terebinthinæ volatilis guttas viginti
quatuor.

Gummi-resinæ Guajaci officinalis drach-
mam semis.